

KU CICI KOANBADIEGU

GUFENEMA MASOAGINDO

BULICINA FASO

Taanma - Puginma - Teginma

BAALO KOANBALA TAANLI

JAGA DOAGIDIMA

(PP-G/TRANS N°006-2024)

Rimtalba Jean Emmanuel OUEDRAOGO

Li binli 2024, cilie 21 daali, Wagadugu pó

Baalo Koanbala Taanli den kali Wagadugu
nani ban maani ki tiedi maama dana lele kuli,

li binli 2024, o ŋmaalo cilie dana 21, alaaliba daali,

ki cili leeri 9 yogunu ki ban gbeni leeri 13 leni miniti 18.

Kapitenni Ibrahim TRAORE, yua n tie ti Diema Yudanciamo

leni a Koanbala Taanli Liigiyua

n den gobidi laa taanli

.

A Koanbala Taanli den noanli li daali mayula nni

ki taa a jaga, ki puni i laabaali,

ki dini bi niba a bala li tuonli po, ki puni u sanu bi niba

n gedi dietoama ti Diema yeli po.

I. A JAGA

I.1. BULICINA FASO DIEMA YUDANCIAMO BADIDIEGU KANI

A Koanbala Taanli taa jaga lie (02)

Li jagikpiali tie ke bi kaani yaa cagicianli n baa gobidi mu tinmu maama (ANCF), ki waani li tuonli, li bogida leni li cenlí.

Yaa jaga leni yaa tila n puuni u sanu o nilo n diedi ki tinga ye leni a paga u yogunu tiamu, ke li tuugi leni i laabaali luoma bi i laabaali moani luoma po leni a sanbimoana bila poadima po. Laa tadindi kpedinni mu tinmu dunbiadimu, ki go teni ke mu tinmu tila tienma yen paa, ki teni ke mi diema resiyonba leni komininba i ligi ki koa ke li dagidi.

Mi tinmu tila dianma a mansina nni bi tie yaala n baa todi ban ñani laa paga. Ki sua bi jagi taalima boncianla ke bi baa diani laa tila laabaali a masina nni ke laa tuo ki pundi ban sugini lan pundi naakani, bi mo ki todi ke a paga wadi buagima.

Yaa niba n kubi laa tila tuonli yabi, li ñani mi gobidiñanma n yaa ye. Li yaa po n teni ke bi kaani yaa cagicianli n baa gobidi mu tinmu maama, ki waani li tuonli, li bogida leni li cenlí ki baa yaa diidi:

Ki gobidi ki go ñua ki faami mu tinmu tila laabaali kuama a masima nní tuona;

Ki yaa diidi mu tinmu tila ki teni yaaba n pia mu tinmu n pa ki gbeni bi tinmu pani ligi kuli ;

ki yaa gobidi ki faami baalo tinmu yaamu ye a tila nni.

Laa jagili, taama baa todi ban kaani yaa cagicianli n baa diidi mi diema nni kuli ki pegidi mu tinmu tuona leni mu dianma a tila nni ke nilo kuli bani lan cuoni maama.

Li jagilieli tie lan baa ɲoadi maama nilo yaa waani ke o laa ke bi suu baalo tuonsoanlo, bi ke li tie tuditoama, bi yaa tuada n ki tiegi baalo tuonsoadiedi nni ke li baa yegi leni yua n waani mi tudima jaandi panpaani.

Leni lan pia yaa bujiacaga n koani leni baalo tuonsoanba suuli, Bulicina Faso baa ye leni laa poadiciamo ke li nufanu tie ki guani mi diema findima puoli ki go biidi mi diema niba taayienɲamu.

Laa jagili taama baa todi yaa balimaama n ye ki koani leni baalo tuonsoanba suuli. Li go baa waani o nilo n baa tagini yaa sanbila ki waani yaa tudima n tieni leni o jaandi pani ligi n baa ɲoadi maama.

I.2. YAA KOANBALI N DIIDI BAALO SALIWUUDO LENI YAA TUONSOANBA N GAANI I DMAPANI YEMA DAMU

A koanbala taanli taa jagili ke li tie yaa balimaama n baa gobidi baalo tuonsoanba yema ɲamu leni yaa tuonsoanba kuli n pia i ɲmapani leni yaaba n tie tuonsoantoaba kuli Bulicina Faso diema nni.

Laa jagili tie ke bi bua ki goani ki lebidi yaa maama n tuugi leni mi balimaama n°033/98/AN ban den taa yaama li binli 1998, cimuu 18 daali, ki den puni u sanu mi taanma n yaa ye baalo tuonsoanba yaaba n gaa mi fuodima, a miteelikpela leni jujuunba ke li baa ɲoadi nani yaa tuonsoanba n gaa bi fuodima panpaani tigobidikaali n bili maama.

Laa taanma baa teni yaaba n bili bi ligi kaani lie lani n tie kesi po leni asiransi kani, n taani ki gaa ban bili yaa bina bianu ligi asiransi po yeni, kesi po yaa ligi mo n tua bi podi pani ligi.

Yaa yantiapaana n cua laa jagili nni tie:

-laa jagili mayuli lebidima tie lan tua yenma leni li balimaama n°003-2021/AN ban den taa yaali li binli 2021 cinaa ɲaalo o danyenli 1 daali, yaali n baa guu ki

gobidi baalo tuonsoanba yema nani li balimaama, leni li balimaama n°004-2021/AN ban den taa yaali li binli 2021, cinaa daana 6 daali, yaama n baa guu ki go gobidi yaa tuonsoanba n pia i nmapani leni yaa tuonsoanba n pugidi Bulicina Faso nni ;

- ki taani yaaba n bili bi ligi asiransi po leni bi yanbuama n tua yenma ;
- mi gagidima tie ke o tuonsoanlo n baa gaa o fuodima yaa bina bianu baa tie wan soani ki juodi baalo tuonsoandiegu yaagu yaa kani n bi peli ki bili ke li baa tie yaa bina yaa bianu .

A koanbala taanli puni u sanu ban gedinni laa jagili balimaama taransisiyon depiteenba kani.

I.3. YAA KOANBADIEGU N DIIDI TI DIEMA LENI DIETOAMA SIIGA TUGINMA TUONA

A Koanbala Taanli taa **tiwaankaana lie (02)**

Li tiwaankakpiali tie miabu, ke li tie ki tuo o Tondo n kali ti diema nni li nandunli dogi kuli n kaani yaa cagili ke li tiedi mi todima yaa niba n nani bi denpo ki ban ye dietoama kelima mi yanduanma kaayema po, (lan tie UNHCR) yeli po.

A koanbala taanli punu u sanu ke bi dini laa bali Maurice **AZONNANKPO**, ke wani n ji tie li nandunli dogi kuli n kaani yaa cagili ke li tiedi mi todima yaa niba n sani bi denpo ki ban ye dietoama kelima mi yanduanma kaayema pó tondo (UNHCR) Bulicina faso nni.

Li tiwaankalielí (2) tie yaa miabu tili n baa paa u sanu ban tuo Poritigali diema Tondo n yaa tuuni Bulicina Faso nni Poritigali yeli po

A koanbala taanli puni u sanu ke bi dini laa bali **Florabela Alhinho Paraida**, ke wan tua Poritigali diema Tondo Bulicina faso nni, ama ke o yekaanu baa tie Dakaari,lan tie senegali diema.

I.4. YAA KOANBADIEGU N DIIDI U KPENDU TUONA

A Koanbala Taanli taa **tuona tiwaankaana lie (02)**

Li tiwaankakpiali tuugi leni ban bua ki taa yaa jagili ki paa u sanu yaa tiadi buoli n baa kua ti diema nni (ASI) leni yaa jagili n baa paa u sanu yaa tiadi buoli n baa ña ti diema nni ki gedi dietoama nni (ASE).

Laa jagili lebidi li jagili n°2021-1235/PRES/PM/MINEFID/MCIA ban den taa yaali li binli 2021 piiga n ciyendo o dana 29 daali ke laa jagili den bili u sanu yaa tiadi buoli n baa kua ti diema nni (ASI) leni yaa sanu n tuo yaa tiadi buoli n baa ña ti diema nni ki caa dietoama nni (ASE).

Laa lebidima bua ki taani leni ti kunkundi gaali kuadima dogitoe nni leni yaa sanbili n baa todi ti tiadi tagima nani ti diema n pia yaa nunlema, tin tagi yaala n baa u paalu ki puginí , « tin yaa tuuni leni tin tagi yaa tiadi ».

Laa jagili baa todi ban fidi yaa faami i kunkungaali leni yaa tiabidi kuli n baa todi ti tiadi tagima Bulicina Faso diema nni.

Li tiwaankalieli tie miabu tili ki bua paa u sanu baalo tuona tenma leni a soanma ke li tie leni u juogu baalo leni yua n baa gaa a tuona siiga, yaala n tuugi leni ban baa biliti gaasi yaa diena nni maama Kaya dogu nni leni kuupiala dogu nni.

Laa tuonli n lingi yaala tie ki pugini gaasi tagima ki go pugini a diena gaasi bilimima po, lan todi gaasi n yaa kuu bi niba kuli ban ye naankani. Yaala n tie li binli 2024 po, li tie ki maa gaasi bilikaani diena kaya dogu nni leni kuupiala dogu nni.

Yaala n tie kaya gaasi bilikaanu dieli maama po, a koanbala taanli puni u sanu ban teni a tuona yaa tuonsoanjaana n tie nne :

- **li tuonkpiali 1 : Arafat Service Sarl**, yaa tuonsoanjaali n baa guudi u tuonsoankaanu, ki bogini li tuonli ki go tieni gaasi bilikaanu binbinli, ke li tuonli fii seefa ligi **miliyaadi 1 leni miliyonba 212 leni tuda piilie n tuda yenli n piitaa n kuumu yia (K 1 212 21 039)** ki taani leni li lubili kuli, ke li tuonli n baa taa yaa yogunu tie nmaali naa (4) ;

li tuonlieli 2 po bi gandi **Entreprise Internationale** tuonsoanjaali ke li baa njanbi u kaanu, ki tugi gaasinba ki cuani, ki go piagi a gaasi butela kaya dogu nni gaasi bilikaanu kani, ke li tuonli fii seefa ligi **miliyaadinba 3 leni miliyonba 433 leni tuda kobiga n piiga n tuda naa n kobi nii n kuumu nii (K 3 433 114 808)** ki taani leni li lubili kuli, ke li tuonli n baa taa yaa yogunu tie njaali naa (4) ;

Li tuontaali 3 : SOTRAPUL, yaa tuonsoanjaali n baa tieni i sani ki maa ban baa biliti gaasinba yaa diedi nni, ke li tuonli fii seefa ligi **miliyaadi 1 leni miliyonba 855 leni tuda kobiga n piyyia n kobi luoba n piyyia n kuumu lele (K 1 855 190 697)** ki taani leni li lubili kuli, ke li tuonli n baa taa yaa yogunu tie njaali naa(4) ;

Li tuonnaali 4: Termitière d’Afrique, yaa tuonsoanjaali n baa soani kuuran fantanjiini ku diegu yenyenma po, li tuonli fii seefa ligi **miliyonba 147 leni tuda kobiga n piilele n tuda nii (K 147 178 000)** ki taani leni li lubili kuli, ke li tuonli n baa taa yaa yogunu tie njaali naa(4) ;

Li tuonmuuli : 5 Bureau Veritas, yaa tuonsoanjaali n baa goandi ki diidi gaasi bilikaanu diegu maama tuonli yaa njoa nani li balimaama n bili maama. Li tuonli fii seefa ligi **miliyonba 198** ki taani leni li lubili kuli, ke li tuonli n baa taa yaa yogunu tie njaali naa(4) ;

Li tuonluobili 6 : Eco Expertise Générale, yaa tuonsoanjaali n baa tieni mi lingima ki bandi laa gaasi bilikaanu n baa fidi ki cuani yaala ti gaanilindima po

leni bi niba laafialo po. Li tuonli fii seefa ligi **miliyonba 24** ki taani leni li lubili kuli, ke li tuonli n baa taa yaa yogunu tie ηmaali naa (4) ;

Kaya gaasi bilikaanu diema maama ligi taanma fii **miliyaadinba 6 leni miliyonba 871 leni tuda kobiga n tuda naa n kobi muu n piinaa n kuumu muu (K 6 871 104 545)** ki taani leni li lubili kuli.

Kuupiala yaa gaasi bilikaanu diegu maama po, a koanbala taanli tuo ki baa teni a tuoana yaa tuonsoanjaana n tie nne :

Li tuonkpiali : WEND NA SONGDO INDUSTRIE, yaa tuonsoanjaali n baa tie ban baa piagidi a gaasi butela naankani leni ban baa biliti naankani ke li tie leni yaa biajengu ke bi yi konteneeri yeni. Li tuonli fii seefa ligi **miliyaadi 1 miliyonba 993 leni tuda kobiga n piitaa tudi yenli n kobi luoba n piilele n kuumu lie(K 1 993 131 672)** ki taani leni li lubili kuli, ke li tuonli n baa taa yaa yogunu tie ηmaali nii (8) ;

Li tuonlieli : SCMP INDUSTRIE, tie yaa tuonsoanjaali n baa maa u bilinu ki gaani ki lindi, ki goo maa diedi boncianla yaadi n tie gaasi bilikaani po ; li tuonli fii seefa ligi **miliyonba 549 leni tuda kobiga n piilele n tuda luoba (K 549 176 000)** ki taani leni li lubili kuli, ke li tuonli n baa taa yaa yogunu tie ηmaali luoba (6) ;

Li tuontaali : Consult service, yaa tuonsoanjaali n baa tieni mi lingima ki bandi laa gaasi bilikaanu n baa fidi ki cuani yaala ti gaanilindima po leni bi niba laafialo po, li tuonli fii seefa ligi **miliyonba 23 leni tuda kobiga n piilele n tuda lie (k 23 172 000)** ki taani leni li lubili kuli, ke li tuonli n baa taa yaa yogunu tie ηmaali taa(3) ;

- **Li tuonnaali (4): ECOBAA BTP SA**, tie yaa tuonsoanjaali n baa koadi ki tieni u sanu ŋali ki ban pundi gaasi bilikaanu kani ; li tuonli fii seefa ligi **miliyonba 497 leni tuda kobiga n piiluoba n tuda taa n kobi luoba n piinii (k 497 163 680) ki taani leni li lubili kuli**, ke li tuonli n baa taa yaa yogunu tie ŋmaali luoba (6)

Li tuonmuuli : Termitière d’Afrique, yaa tuonsoanjaali n baa soani kuuran fantanjiini ku diegu yenyenma po ; li tuonli fii seefa ligi **miliyonba 149 leni tuda kobiga n tuda naa n kobi, luoba (K 149 104 600) ki taani leni li lubili kuli**, ke li tuonli n baa taa yaa yogunu tie ŋmaali luoba(6) ;

- **Li tuonluobili (6): Bureau Veritas**, yaa tuonsoanjaali n baa goandi ki diidi gaasi bilikaanu diegu maama tuonli yaa ŋoa nani li balimaama n bili maama li tuonli fii seefa ligi **miliyonba 99 leni kobiga n kuumu muu ki taani leni li lubili kuli**, ke li tuonli n baa taa yaa yogunu tie ŋmaali piiga (10) ;

Kuupiala gaasi bilikaanu diena maama ligi taanma fii **miliyaadinba 3 leni miliyonba 313 leni tuda kobiga n piinaa n tuda nii piimuu n kuumu lele (K 3 313 148 057) ki taani leni li lubili kuli**.

La daaliedimu (2) tuona ligi ñani yaa tuonsoanjaali n tuuni gaasi tuonli Bulicina Faso diema nni (SONABI) ligikpagu nne.

I.5. YAA KOANBALIDIEGU N DIIDI I FANTANJIINI LENI MU TINMU TIPO PIAMA TUONA

A Koanbala Taanli taa li jagili ki puni u sanu Youga wula Tuonsoanjaali yaali n yi BURKINA MINING COMPANY (BMC) SA yeni, tuonli n fiidi ki yaa baa ki tuuni. Laa Tuonsoanjaali ye Sabre Kominni nni, lani n tie Bulugu porovensi, Santiri-Esiti resiyon nni.

Laa Jagili taama BMC SA wulalingu po tie yaa tuonli n baa taa i tinga fanma yaali n tie km2 pilie n biyia (29). Yaa wula n baa ña lankani taanma baa pundi tie tonni 9,57.

Li tuonli n baa kuani ya ligi baalo ligipkaku nni tie **sefa ligi k 14 385 182 000**. Li go baa cuani Bulicina maabila po yaala n pundi a tuona **609**.

Laa jagili taama baa todi wula tuonsoanjaali BURKINA MINING COMPANY (BMC) SA yeni tuosoantiila lebidima ke bi tuona n baa ki yaa cuoni.

I.6. YAA KOANBADIEGU N DIIDI KU GBANANSAAGU JELITI TUONA, LENI BI NIPANBA LENI A TUONA MAAMA

A Koanbala Taanli taa yaa jagili n bogini mi Diema Cagili yaali n diidi a tuona leni u nuu tuona bangima (CNEFP), ki waani laa cagili tuona boginma leni li cenli sanbila.

Laa jagili yaa niinni tie ki goa ki lebidi yaa maasanbili n den taa ki tuugi leni li jagili n°661/PRES/PM/MJE/MTSS/MESSRS, li binli 2019, ciyia dana 24 daali, CNEFP tuona sanbila po.

Yaa maasanbiciama n pugini nne :

- CNEFP baa taani kominninba o tuonli nni ;
- CNEFP baa tuuni o tuonli ke li ñua bi gobidikaaba n taa yaa sanbila leni yaa jaga li tuonli po leni i nii tuona bangima po bebe ;
- ki wadi CNEFP cagili niba coali ki dagini niba 35 ;

Laa jagili taama tie yaala n baa todi CNEFP tuonli n yaa caa liiga nani bi gobidikaaba n bili maama a tuona leni i nii tuonli bangima sanbila sani fuuli.

II. I LAABAALITENKE

II.1. O laabaalikpialo ñani yaa Koanbadiegu n die i laabaali leni ku maasuagu tuona kani. Bi waani ke i niboandogi junjundi jaanma ke bi yi ma FESIPAKO (FESPACO) mi piilie n bonyiama (29^e), baa tieni Wagadugu. Mi baa cili li binli 2025, cilie dana 22 ki baa juodi citaa dana 3 daali. Yaa diema n gaa ti kpiagidi yiinu tie Caadi (Tchad) diema.

Ti junjundi taanma baa cili li binli 2024, cilie 29 daali.

Laa jaanma po, ti Afiriki junjundi daaga ban yi yaaga MIKA (MICA), ki piilien bonliega (22^e) leni Yenega tuonsoankaani den baa tieni. Lankuli tie yaala, n baa todi yaa nuba n ye ti junjundi tuonli nni n fidi ki boe leni bi yaba, ki le ban baa tieni maama ki baa mi todima bi tuona nni, ki todi yaaba n da ciliti laa tuonli. Lankuli tie yaala n baa teni ke Afiriki dogi junjundi n baa u gbanmanu, ki nan fidi ki boagini leni potogu junjundi ñanduna nni.

II.2. O laabaalilielo mo ñani yaa koanbadiegu n diidi ti diema ligi leni a tuonboginkaana kani.

Laa Koanbali waani ke ti Diema Bulicina Faso baa gedi IITA taanli. IITA tie li ñandunli nni yaa Cagili n diidi diema kuli nni, bi ya tuuni leni mi todima ligi leni tugipiengu. Laa taanli baa kali Bogota dogu nni, lan tie Kolonbi diema nni, li binli 2024, cinaa dana 23 hali o dana 26 daali.

Laa taanli nni i dogi tuonsonjaana leni yaa nitaanbuoli n ki ye politiki nni, n baa taani ki diidi mi todima laabaalo nni, yaa papienli n ye lienni.

Yaaba n kuani bi yula laa taanli nni kuli baa boe li binli 2020 ki yaa caa li binli 2025 tuonboginkaana maama, ki go diidi yaa yantianjama n ye mi todima tuona nni.

II.3. Yaa koanbali n diidi bu kpaabu leni li yanwubili tuona mo waani ke bi baa bogini yaaba n tuuni ti siadi tuona taanli "APIMONDIA" li bonaali Wagadugu, li binli 2024, ciyia dana 5 ki yaa caa o dana 7. Yaaba n baa kali laa taanli tie yaaba n tiendi ti siadi tuonsoantiadi, ti siadi kpenkpenda, mi bancianma danba, baalo niba yaaba n taandi a jaga, mi findima juoginkaaba, leni yaaba niba n tuuni ti siadi tuona kuli.

Yaaba n tuuni ti siadi tuonli Bulicina nni pundi niba 16 000. Laa niba niinni, niba kobiga siiga, piilie n niba nii (28%) tie puoba. Binli kuli, bi yen tagi yaa siadi n pundi tonni 1000, ke ti ligi mo pundi **sefa ligi miliyaari 3**. Ti siadi tuona Cagili boginma baa teni ke Bulicina siadi kpendu n baa u paalu i niboandogi daamu (ZLECAF) nni.

II.4. Yaa koanbali n diidi laafia leni i kaani ngangu waani i yianpuodike muali ligi ñanma n baa ñoadi maama Bulicina Faso nni.

I yianpuodike muali ligikpagu tie ñanduna juogu ke bi den tieni li binli 2022, ciyia ñmaalo nni. Ban den juogi yaala yaapo tie ke u yianu COVID pendima puoli, ban fidi ki moa leni i yianpuodike cuama, bi ke i ya cua, ban fidi ki buu yi yaa dogi yaa piama n waa nni.

Li binli 2024 ki yaa caa li binli 2026 yogunu, laa ligi n baa teni ti dogu n fidi ki wadi i yianpuodike leni i ñandunyiani n baa cuani yaala.

II.5. A cogibigbenga leni mi bancanma linginma koanbali waani ke ti diema baa kuani o yuli yaa taangagidikaali ke li tie naani ke bi baa diidi ki bandi ban baa tieni maama li bonbulikaala n yen luoni bonñanla, li jeguoli n tieni, ke bi yi li "TIRPAA". Li taanli yeni baa tieni Romi dogu po, lan tie Itali diema nni, li binli 2024 cinaa 15 ki yaa caa o dana 18.

Laa taanli nni bi baa le ban baa taa yaa jaga li cagili n baa u paalu.

Yaaba n den baa gedi ti diema yeli po den baa boe leni dietoama yaaba ki bandi yaa paka n cedi ke li bonbulikaala tuonsoantiadi naa yen kpendi nani lan naani maama.

II.6. Yaa koanbali n diidi mi gaanilindima leni mi ñima tuona waani ke yaala n tie li tiŋuuli, ki baa ki koani leni mi fanpienma kalima, ke bi yi li "Grande muraille verte", Afiriki dogi nni pia laa tuonsoanjaali ke bi baa tieni taanli Wagadugu dogu nni. Li baa cili li binli 2024, citaa dana 4 ki yaa caa o dana 8.

Laa taanli nni, Afiriki dogi tuonsoanba yaaba n ye laa tuonsoanjali nni, bi todikaaba leni yaa niba n ye li tiŋuuli yeni sani nni kuli baa kali ki boe. Ban lingi yaala laa taanli po tie ke ban pugini bi tuonsoanba gbanmanu leni ban bogini yaa tuongbenga bina piiga po lan tie li binli 2021 ki yaa caa li binli 2030. Ki go diidi ban fidi ki tieni yaala, yaa binli n pendi yeni nni, ki nan go taa a jaga yaa binli n kpendi po.

III. BAN DINI YAABA LI BALI

III.1. YAABAN BAA LI BALI TUONCELI PO

A. KU CICIKOABADIEGU KANI

- Frank Cédric Fayçal **SARAMBE**, o tie minteeli kapitenni, ke bi dini o li bali wan tua a tuadibiada leni i biiciami bandiciamo;
- Emile **KADIOGO**, o **lanba** tie **239 822 N**, o tie polisi Komiseeri, ke bi dini o li bali wan tua Yua baa kpaagidi ti guudima po mi guudima yankpaagidieg kani (SP/CN-CMAPR) ;
- Adama **SANON**, o **lanba** tie **97 464 D**, o tie Lotociamo, ke bi dini o li bali wan tua Yua baa kpaagidi ti guudima po mi guudima yankpaagidieg kani (SP/CN-CMAPR);
- Aboudramane **TRAORE**, o **lanba** tie **240 027 N**, o tie Fuaguuriciamo, ke bi dini o li bali wan tua Yua baa kpaagidi ti guudima po mi guudima yankpaagidieg kani (SP/CN-CMAPR) ;
- Dieudonné **KAM**, o **lanba** tie **Mle 212 238 K**, o tie o nissalo n pia yaa sanbila Tundikoa ke bi dini o li bali wan tua Yua baa kpaagidi demokarasi leni o nissalo n pia yaa sanbila;
- Abdou Nouridine **SANFO**, o **lanba** tie **278 200 H**, o tie Fuaguuriciamo, ke bi dini o li bali wan tua yua n baa yaa todi a tuona boginma leni a cenli ŋamu yaa tuonsoancagili n tuuni ti fuana leni u yogutentenma Bulicina Faso nni (SE-FVC/BF) kani ;
- Cheick Omar **TRAORE**, o **lanba** tie **345 519 W**, ke bi dini o li bali wan tua Bandiciamo yua baa todi li yankpaagili ti yogutentenma lebidima po SE-FVC/BF Tuonsoancagili kani.

B. YAA KOANBADIEGU N DIIDI I LAABAALI LENI KU MAASUAGU TUONAKANI

- Liradan Philippe **ADA**, o tie laabaalitenlo, ke bi dini o li bali wan tua Yua n pia puogili;

- Bakary **KONE**, o **lanba** tie **117 403 C**, o tie laabaalitenba tundikoa, ke bi dini o li bali wan tua Yua n pia puogili;
- Yelli Marguerite **DOANNIO/SOU**, o **lanba** tie **104 103 R**, o tie laabaalitenba tundikoa, ke bi dini o li bali wan tua Yua n pia puogili ; o lebidi ki gaa Yakouba BONKOUNGOU yaa kaanu.

C. YAA KOANBADIEGU N DIIDI TI DIEMA TINBUONA LENI KOMINNINBA GOBIDIMA TUONA

- Jean-Marie **OUEDRAOGO**, o **lanba** tie **22 51 540 P**, o tie Kominninba polisiciamo, ke bi dini o li bali wan tua Kominninba polisinba tuona findima yudaano;
- Justin Omer **BALIMA**, o **lanba** tie **59 709 N**, o tie Adiminisirateeri sivili , ke bi dini o li bali wan tua a maamaatila tuonboginkaana liiga yua ki pugini leni wan peli ki pia yaa bali ki tie a maamaatila tuona findima yudanciamo;
- Hikoti **GNOUMOU**, o **lanba** tie **130 465 B**, o tie Bujialo ke bi dini o li bali wan tua ti Diema guudima tuonboginkaana yudaano, ki pugini leni wan peli ki pia yaa bali ki tie li Koanbali Tundikoa ;

- Gommêtekba Toussaint **DIPAMA**, o **lanba** tie **216 137 T**, o tie i ligi tuonjaana tuonsoanlo , ke bi dini o li bali wan tua a tuonjaana gobidima tuonboginkaana yudaano, ki pugini leni wan peli ki pia yaa bali ki tie mi lingima leni a baana tuona Yudanciamo;
- Issoufou **KONGO**, o **lanba** tie **59 761 M**, o tie Adiminisirateeri sivili , ke bi dini o li bali wan tua Baalo bali paalu boagidima tuonboginkaana Yudaano, ki pugini leni wan peli ki pia yaa bali ki tie Kominniba tuona yudanciamo;
- Jean-Pierre **VOGNA**, o **lanba** tie **98 021 K**, o tie Adiminisirateeri sivili , ke bi dini o li bali wan tua mi Diema gobidima tuonboginkaana Yudaano, ki pugini leni wan peli ki pia yaa bali ki tie mi Diema gobidima tuona Yudanciamo;
- Lazare **YAGO**, o tie Minteeli Koloneli-masoori , ke bi dini o li bali wan tua bi niba guudima tuonboginkaana Yudaano, ki pugini leni wan peli ki pia yaa bali ki tie bi niba guudima Yudanciamo.

D. YAA KOANBADIEGU N DIIDI TI DIEMA LENI DIETOAMA SIIGA TUGINMA TUONA

- Brahima **OUEDRAOGO**, o **lanba** tie **104 654 C**, i ligi tuonjaana tuonsoanlo, ke bi dini o li bali wan tua a tuona biigima tuonsoancagili (lan tie MAEP) liiga-yua ;
- Sidpayeté Eléonore **OUEDRAOGO/YERBANGA**, o **lanba** tie **202 698 W**, o tie laabaalitenla Tundikoa, ke bi dini o li bali wan tua i laabaali Tuonsoanlo Bulicina Faso Saliwuudidiegu yu n tuuni leni ONU ki ye Seneefi lan tie Suwisi diema ;

- Oumarou **KABORE**, o **lanba** tie **54 608 J**, o tie Tundikoa ti diema leni dietoama tuginma tuona, ke bi dini o li bali wan tua u koanbadiegu tuonjaan leni ku tuona findima Yudaano.

E. YAA KOANBADIEGU N DIIDI TI DIEMA LIGI LENI A TUONBOGINKAANA

- B. Saidou **DIALLO**, o **lanba** tie **228 312 W**, i ligi tuonjaana tuonsoanlo, ke bi dini o li bali wan tua Tundikoa yaa koanbali diidi a tuonbonginkaana ;
- Hodou **BONKOUNGOU**, o **lanba** tie **345 086 K**, o tie mi ligiñanma tila goandikoa, ke bi dini o li bali wan tua ENANMI Cogidiegu Tiakubilo;
- Yacouba **ZONGO**, o **lanba** tie **210 814 L**, o tie Lubigaalo, ke bi dini o li bali wan tua Iniverisité Viritieli Cogidiegu Tiakubilo;
- Djeneba Marthe **OUATTARA**, o **lanba** tie **294 315 K**, o tie Baalo tuonsoanlo yua diidi li ligikubili n cuoni maama, ke bi dini o li bali wan tua Iniverisité Joseph KI-ZERBO Cogidiegu Tiakubilo.

F. YAA KOANBADIEGU N DIIDI BU KPAABU LENI LI YANWUBILI TUONA KANI

- Françoise **NAON/ZOUNGRANA**, o **lanba** tie **33 770 U**, o tie bu kpaabu banma daano, ke bi dini o li bali wan tua Yua n baa Puogili u koanbadiegu kani;
- Patarbtalé Joseph **NIKIEMA**, o **lanba** tie **36 431 D**, o tie mi ñima tuona banma daano, ke bi dini o li bali wan tua BAGREPOLE Yudanciamo;
- Ouémihie Clément **ATTIOU**, o **lanba** tie **264 396 R**, o tie bu kpaabu banma daano, ke bi dini o li bali wan tua yaa Tuonjaali n diidi anakaridi tiidi tuona Yudanciamo;

- Guiadoma Ludovic Prosper Arsène **YIGO**, o **lanba** tie **254 842 U**, o tie bu kpaabu banma daano, ke bi dini o li bali wan tua a kpakpaala loagu tuona findima Yudanciamo ;
- Oula Damien **OUATTARA**, o **lanba** tie **254 841 M**, o tie a kpakpaala tuona findima banma daano, ke bi dini o li bali wan tua Fonds Dumu Ka Fa (FDKF) Yudanciamo ;
- Kiswendsida Emmanuel **COMPAORE**, o **lanba** tie **57 214 A**, o tie i ligi Tuonsoanjaana tuonsoanciamo, ke bi dini o li bali wan tua ti diema tinmu tiipo tuona Tuoncagili (lan tie BUNASOL) ligikubili Yudaano ;
- Issa **TRAORE**, o **lanba** tie **59 912 G**, o tie i ligi Tuonsoanjaana tuonsoanciamo, ke bi dini o li bali wan tua yaa tuonsoandiegu n diidi ti bonyugidi wubidi tuona (CPAVI) ligikubili Yudaano;
- Raymond **ZEMBA**, o **lanba** tie **104 744 A**, o tie bu kpaabu tuona banma daano, ke bi dini o li bali wan tua yaa baa yaa lingi u koanbadiegu tuona n yaa ŋua u sanu;
- Bassirou **MANDE**, o **lanba** tie **206 996 H**, o tie li yanwubili tuona banma daano, ke bi dini o li bali wan tua bu kpaabu leni li yanwubili tuona yudaano ESITI Resiyon (U GULUMU) nni;
- Germain Aimé **TRAORE**, o **lanba** tie **293 588 C**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano SANTIRI-ESITI Resiyon nni;
- Ragnimsom Serge Igor **BIRBA**, o **lanba** tie **232 045 S**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano SANTIRI-NOORI Resiyon nni;

- Monsieur Abidiasse **YE**, o **lanba** tie **245 050 V**, o tie li yanwubili tuona banma daano, ke bi dini o li bali wan tua bu kpaabu leni li yanwubili tuona Yudaano SAYELI Resiyon nni;
- Honoré **ONADJA**, o **lanba** tie **263 281 U**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano BULUGU Porovenssi nni;
- Joseph **DIENDERE**, o **lanba** tie **214 378 K**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano BULICIEMIDE Porovenssi nni;
- Aïcha **SANA**, o **lanba** tie **207 006 X**, o tie li yanwubili tuona Tundikoa, ke bi dini o li bali wan tua bu kpaabu leni li yanwubili tuona Yudaano KADIYOGO Porovenssi nni ;
- Hamadoun **TAMBOURA**, o **lanba** tie **209 892 X**, o tie li yanwubili tuona banma daano, ke bi dini o li bali wan tua bu kpaabu leni li yanwubili tuona Yudaano KOSI Porovenssi nni;
- Rodrigue **LOBOUE**, o **lanba** tie **287 452 J**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano KURIWEGO Porovenssi nni;
- Aïcha **SANOU/ZIDWEMBA**, o **lanba** tie **312 413 B**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano NAWUURI Porovenssi nni;
- Lucienne **KIMA/WAONGO**, o **lanba** tie **312 408 L**, o tie bu kpaabu tuona banma daano, ke bi dini o li bali wan tua bu kpaabu leni li yanwubili tuona Yudaano UBIRITENGA Porovenssi nni;

- Daouda **KIEMDE**, o **lanba** tie **97 541 G**, o tie li yanwubili tuona banma daano, ke bi dini o li bali wan tua bu kpaabu leni li yanwubili tuona Yudaano SANMATENGA Porovenssi nni;
- Monsieur Oumar **OUEDRAOGO**, o **lanba** tie **102 773 W**, o tie li yanwubili tuona Tundikoa, ke bi dini o li bali wan tua bu kpaabu leni li yanwubili tuona Yudaano YAATENGA Porovenssi nni.

**G. YAA KOANBADIEGU N DIIDI ENTERINETI LENI A TISOANKAANA
TUONSOANDIEDI LENI TELEFONI TUONA KANI**

- Abdoulaye **TRAORE**, o **lanba** tie **104 857 M**, o tie i ligi tuonsoandiedi tuonsoanciamo, ke bi dini o li bali wan tua i ligi tuona gobidima leni i kubili Yudaano yaa Tuonjaali n diidi i laabaali tuonsoantiadi findima tuona (ANPTIC) kani.

**H. YAA KOANBADIEGU N DIIDI LAAFIA LENI KU DANGU TUONA
KANI**

- Désiré **NEZIEN**, o **lanba** tie **91 137 U**, o tie a ñoagidiena lotogbengili, ke bi dini o li bali wan tua yaa Tuonsoandieciangu n tuuni mi soama tenma tuona Yudanciamo.

I. YAA KOANBADIEGU N DIIDI U KPENDU TUONA

- Boubié Séraphin **BADOLO**, o **lanba** tie **111 308 W**, o tie u loagu tuona Tundikoa, ke bi dini o li bali wan tua Yua pia puogili laa koanbadiegu kani ;
- Soumayila **BARA**, o **lanba** tie **212 298 A**, o tie u loagu tuona Tundikoa, ke bi dini o li bali wan tua yaa Tuonsoancagili n diidi ti Bonkuadiñanma dietoama nni tuona findima (APEX-BURKINA) Yudanciamo;
- Ouattara Djakaridja **HEMA**, o **lanba** tie **95 856 Z**, o tie u loagu tuona boginma bando, ke bi dini o li bali wan tua yaa Tuonsoandiegu n tagi sikidi (SN-SOSUCO) Yudanciamo.

**J. YAA KOANBADIEGU N DIIDI I SANI TIENMA LENI A
DIEGBENGA MAAMA**

- Ollo **PALENFO**, o tie minteeli , ke bi dini o li bali wan tua Yua n pia puogili laa koanbadiegu kani.

K. YAA KOANBADIEGU N DIIDI A COGIBICIAMA COGU LENI MI BANCANMA LINGIMA

- Aimé Séverin **KIMA**, o **lanba** tie **57 454 L**, o tie bancanma Lingido, ke bi dini o li bali wan tua yaa Tuonsoandiegu n taani mi lingima bancanma ki tuuni (ANVAR) Yudanciamo;
- Sylvain **ILBOUDO**, o **lanba** tie **249 890 P**, o tie bancanma Lingido, ke bi dini o li bali wan tua yaa o Yudaano yaa Tuonsoandiegu n tiedi a sanbijama lingima ti diema findima kani.

III.2. BAN DINI YAABA LI BALI TUONJAALI YELI PO

A Koanbala Taanli baa ban dini yaaba a bala ke bi tua Gobidikaaba yaa tuonjaana n gua ne nni :

- yaa Tuonsoandiegu n tuuni a taataankpenkpendi-tuona findima , lan tie APEKI (APEC), mi Diema Badidiegu yeli po;
- yaa Cogidiecianli n cogindi ki go bangidi u nuu tuona (INEFPRO), u Koanbadiegu yaagu n diidi u taayienue, leni mi niñingbadima, leni u diegu yema tuona yeli po;
- Sayeli gaali luma Tuonsoandiegu (FILSAH-SA) kani, yaa Koanbadiegu n diidi u kpendu tuona yeli po;
- yaa tuonjaali n diidi ti laafialo ti sancena nni (ONASER) kani, yaa Koanbadiegu n diidi a sancena leni i dogi nni cena tuona yeli po.

A Koanbala Taanli baa ban dini yaa li bali wan tua yaa Cogidiecianli n cogindi ki go bangi u nuu tuona (INEFPRO) Yudaano.

A. BULICINA FASO BADIDIEGU

A Koanbala Taanli taa li jagili ki ñani tili ki dini li bali Ollé Arnaud **KAM**, o **lanba** tie **256 193 C**, o tie mi lingima Tundikoa, ke wan tua Gobidikoa Baalo yeli po, lan tie u Koanbadiegu yaagu n diidi bu kpaabu leni li yanwubili tuona po, yaa Tuonsoandiegu n tuuni a taataankpenkpendi-tuona findima , lan tie APEKI (APEC) nni bina taa (3) mi kpiama po.

B. YAA KOANBADIEGU N DIIDI U TAAYIENU, LENI MI NIÑINGBADIMA, LENI U DIEGU YEMA TUONA YELI PO

C. A Koanbala Taanli taa **jaga lie (02)**.

Li jagikpiali dini yaa niba n nua ne li bali ban tua Gobidikaaba yaa Cogidiecianli n cogindi ki go bangi u nuu tuona (INEFPRO) nni bina taa (03) mi kpiama po.

BAN DINI YAABA LI BALI KE BI TUA GOBIDIKAABA BAALO YELI PO

Yaa Koanbadiegu n diidi u taayienue, leni mi niñingbadima, leni u diegu yema tuona yeli kani:

- **ZINA**, o **lanba** tie **51 706 J**, o tie laa koanbadiegu tuonsoanlo ;
- Abdoul Karim **TIENDREBEOGO**, o **lanba** tie **47 774 V**, o tie mu biñindimu wubidi pegidikoa.

BAN DINI YAABA LI BALI KE BI TUA GOBIDIKAABA A COGIBILA DANBA CAGILI YELI PO

- Clément **SOME**, o tie li boginli daano a cogibila banba cagili biilo nni.

Li jagilieli dini li bali Karim **ZINA**, o **lanba** tie **51 706 J**, o tie u Koanbadiegu yaagu n diidi u taayienue, leni mi niñingbadima, leni u diegu yema tuona

tuonsoanlo, ke wan tua Gobidikaaba yudaano yaa Cogidiecianli n cogindi ki go bangi u nuu tuona (INEFPRO) nni bina taa (03) mi kpiama po.

C. YAA KOANBADIEGU N DIIDI U KPENDU TUONA

A Koanbala Taanli taa **li jagili** ki goa ki pandi Tidiane **KABORE** bali, o **lanba** tie **58 770 S**, o tie a lubigaala pegidikoa, ke wan goa ki tua Gobidikoa Sayeli gaali luma Tuonsoandiegu (FILSAH-SA) kani Baalo yeli po, lan tie yaa koanbadiegu n diidi ti diema ligi leni a tuonboginkaana, bina taa (03) mi juodima po.

D. YAA KOANBADIEGU N DIIDI A SANCENA LENI I DOGI NNI CENA TUONA

A Koanbala Taanli taa **li jagili** ki dini li bali Mamoudou **SAWADOGO**, o **lanba** tie **53 686 A**, o tie lotogbengili, ke wan tua Gobidikoa Baalo yeli po, lan tie yaa Koanbadiegu n diidi laafia leni ku ngangu tuona yeli po, yaa tuonjaali n diidi ti laafialo ti sancena nni (ONASER) kani, bina taa (03) po mi kpiama.